

Sensasi RSB Raya

www.frsb.upm.edu.my

EDISI AIDILFITRI | BIL: 28

PERTANIAN • INOVASI • KEHIDUPAN



UPM
UNIVERSITI PUTRA MALAYSIA
BERILIANG, SERDANG

FAKULTI REKABENTUK
DAN SENIBINA
FACULTY OF DESIGN AND ARCHITECTURE
جامعة رياضي وتقني دان سني بيتنا



REKA HIAS KEDIAMAN
UNTUK MENYAMBUT
HARI RAYA ms.2

Nostalgia Ucapan
Hari Raya ms.28





ARTIKEL KHAS AIDILFITRI

REKA HIAS KEDIAMAN UNTUK MENYAMBUT HARI RAYA

Dr. Noranita Mansor



Projek reka hias untuk hari raya merupakan satu kemestian bagi sesetengah orang yang suka kepada perubahan serta pembaharuan untuk ruang dalaman rumah. Reka hias dalaman ini berlaku secara tahunan. Untuk tujuan perkongsian kali ini, perbincangan secara santai tentang reka hias lebih bersesuaian daripada perbincangan secara teknikal atau terlalu ilmiah untuk rekabentuk dalaman.

Projek reka hias atau tatahias sempena hari raya merupakan sebuah projek berskala kecil, dengan tips mudah agar ia tidak membebankan para pembaca dari membuat hutang dan bergolok gadai hanya untuk sambutan hari raya, pendek kata perlu mengikut peribahasa melayu iaitu “ukur baju di badan sendiri”.

Untuk perkongsian kali ini, saya menggariskan perbincangan dengan 4 kata kunci utama, iaitu **Rancang**, **Pilih**, **Belanja** **Hemah** dan **Susun**.

1. RANCANG

Sebuah perancangan yang baik perlu bagi mendapatkan hasil yang diimpikan untuk sesebuah ruang. Senaraikan perancangan awal, apa yang perlu ditukar atau dibaik pulih bagi melancarkan projek tatahias sambutan hari raya tahun ini. Jika komponen utama rumah seperti dinding, lantai, siling perlu diselenggarakan, maka perancangan awal perlu dimulakan bagi mengelakkan kesuntukan masa untuk menyiapsediakan rumah untuk menyambut tetamu di hari raya. Antara senarai rancangan terbaik untuk tatahias sambutan hari raya adalah perlu mengikut



implikasi kewangan sendiri. Setelah kenal pasti peruntuhan kewangan, senaraikan keperluan tatahias mengikut kepentingan contoh, kenal pasti keadaan dinding, perabot, kemasan tingkap serta aksesori rumah. Impak terbesar yang boleh merubah suasana rumah adalah komponen terbesar seperti dinding tetapi memerlukan modal yang besar. Selepas dinding, elemen yang dapat memberi kesan kepada pandangan pertama adalah kemasan tingkap iaitu langsir. Seterusnya aksesori perabot serta elemen dekorasi bertemakan hari raya seperti bekas kuih, dulang, pinggan mangkuk serta hiasan pokok dan bunga-bungaan boleh ditambah sebagai senarai rancangan untuk hiasan hari raya.





2. PILIH

Setelah perancangan dibuat, tindakan seterusnya adalah memilih bahan, elemen dan tema untuk sesebuah ruang. Mulakan dengan membuat sedikit kajian tentang gaya terkini dalam rekabentuk dalaman. Dapatkan idea, cetakkan idea dan mulalah untuk membuat pemilihan yang terbaik. Antara gaya yang *viral* di Malaysia kala ini adalah moden *chic* ataupun tropikal kontemporari yang lebih dekat pada hati orang Melayu.

Pemilihan warna alam dan lembut boleh membuat ruang bertambah besar dan tenang. Jenis-jenis perabot turut memainkan peranan penting bagi menghasilkan suasana baru di kediaman. Untuk gaya kontemporari sebegini, pilihan perabot yang pelbagai tetapi harmoni boleh menaikkan seri ruang. Pemilihan gabungan bahan kayu dan fabrik akan membuat suasana ruang tampak segak dan bergaya di hari raya. Penambahan elemen dekorasi seperti bingkai gambar, pasu porselin, lampu meja serta pokok hijau dapat menambahkan kesegaran ruang sekaligus memberi suasana baru di hari raya.



3. BELANJA HEMAH

Setelah merancang dan memilih gaya yang sesuai untuk persiapan hari raya, perkara yang paling utama yang perlu dititik beratkan adalah perbelanjaan untuk tatahias hari raya. Belanjalah mengikut kewangan sendiri dengan memilih bahan atau elemen yang berpatutan harganya. Di dalam ilmu rekabentuk dalaman, sesuatu bahan atau elemen rekabentuk akan diformulasikan dalam 3 kategori kualiti iaitu *premium quality* (sangat mahal), *moderate quality* (harga mampu milik) dan *low quality* (murah dan tidak tahan lama). Untuk saranan projek hari raya sebegini, seeloknya kualiti *moderate* adalah yang terbaik, kerana ia menjimatkan dan mempunyai rupa seindah bahan premium. Untuk lebih berhemah, membeli perabot bukan sesuatu yang prioriti kerana dengan kreativiti kita mampu menukar suasana rumah dengan hanya mengalihkan beberapa perabot dan tukar fungsi kegunaannya. Cara ini lebih cepat dan tiada perbelanjaan diperlukan.






4. SUSUN



Tips yang terakhir adalah seni menyusun atur perabot dan perhiasan di dalam rumah. Aktiviti susunan perabot ini dapat memberi kelainan dalam sesuatu ruang. Seni susunan ini tidak terhad kepada perabot sahaja, hiasan dinding turut boleh diaplikasikan juga. Hampir semua peralatan di dalam ruang rumah berpotensi untuk diberi nafas baru dengan teknik susun semula ini. Cara ini paling mudah untuk mengubah suasana rumah yang sedia ada kepada suasana baru yang lebih ceria untuk sambutan hari raya. Antara susun atur mudah dan memberi nilai tambah di dalam ruang rumah adalah tata susun meja kopi yang boleh menaikkan tema hari raya. Alihkan hiasan sedia ada kepada menambahkan balang kuih raya dengan pelapik dulang yang jarang digunakan di dapur untuk menampakkan kelainan pada ruang asal.





Di samping itu, bantal bantal kecil berwarna warni boleh di susun dan di tambahkan di ruang yang kurang ceria.





Susun semula kedudukan perabot

Bagi menampakkan kesegaran rumah, susunan lipatan langsir di tingkap turut dapat menyumbang keunikan sesuatu ruang. Untuk pencahayaan; cara susunan langsir amat memainkan peranan penting



Kesimpulan

Untuk mengubah sesuatu ruang dalam bagi menyesuaikan tema tertentu seperti sambutan hari raya, kita tidak perlukan modal yang besar, namun memerlukan pemikiran kreatif dengan hanya menggunakan 4 tips yang dikongsikan di atas, iaitu rancang, pilih, belanja hemah dan susun . Tips ringkas ini membolehkan ruang dalaman sesebuah rumah bertukar suasana dan menjadi lebih ceria.

Selamat Hari Raya!



PENGURUSAN FAKULTI





PEJABAT DEKAN
Unit Korporat





Allahuakbar, Allahuakbar, Allahuakbar

Wallillahil hamd!

Bersyukur kita ke hadrat Allah s.w.t kerana dengan limpah kurnia dan keredhaannya dapat kita semua bertakbir dan bertahmid dalam menyambut Hari Raya Aidilfitri tahun Hijrah 1444.

Dengan berakhirnya Ramadhan, saya dengan ini mengucapkan Selamat Hari Raya Aidilfitri kepada semua warga FRSB. Salam maaf zahir dan batin juga dihulurkan kepada semua warga FRSB di atas segala keterlanjuran kata dan perbuatan saya dan keluarga selama ini terutamanya berkaitan dengan tugas sebagai Dekan FRSB.

Saya amat berharap semoga semangat Ramadhan tahun ini yang penuh dengan kesabaran dan iltizam akan dapat diterapkan terus di dalam hati dan perbuatan kita selamanya.

Makan roti bersama kaya

Dicicah pula dalam pengat

Bila makan di hari raya

Sila-silalah beringat

Ikhlas dari saya sekeluarga

PROF. MADYA LAr. DR. SUHARDI MAULAN
Dekan



PEJABAT TIMBALAN DEKAN (Akademik dan Hal Ehwal Pelajar & Alumni)



Alhamdulillah dipanjatkan kesyukuran kehadrat Allah SWT kerana dengan limpah perkenan dan izinNya, dapat kita meraikan sekali lagi sambutan Hari Raya Aildilfitri setelah sebulan berpuasa. Semoga segala amal Ramadhan kita diterima Allah, dan semoga Syawal kita kali ini dilimpahi rahmat dan kegembiraan.

Besarlah harapan saya agar semua warga FRSB terus memekarkan semangat kerja berpasukan di fakulti kita ini. Kerja berpasukan mempunya banyak kelebihan kerana ia saling bergantung dari segi keupayaan, kepakaran, kemahiran dan pengetahuan serta komitmen terhadap prestasi pasukan dan bersedia melaksanakan tugas secara bersama. Nilai kerja ini seharusnya kitakekalkan bagi memberi manfaat kepada FRSB serta menjadi budaya kerja kita.

Dikesempatan ini juga kami daripada Pejabat TDAH ingin memohon maaf zahir dan batin atas segala kekhilafan dan ketelanjuran sepanjang menjalankan tanggungjawab yang diamanahkan kepada kami. Di Aidilfitri inilah kesempatan terbaik sekali untuk saling melupakan semua perselisihan dan

persengketaan seterusnya mengukuhkan kerjasama di antara individu dan jabatan.

*Ada kalanya mata silap memandang
Telinga salah mendengar
Lidah terlanjur kata
Fikiran khilaf menafsir
Hati salah menduga
Mohon maaf atas segalanya*

Kami daripada Pejabat TDAH dengan rasa rendah diri ingin mengucapkan Selamat Hari Raya Aidilfitri kepada semua warga Akademik dan Pelaksana di FRSB. Moga silaturahim diberkatkan Allah. Moga kalian dan semua ahli keluarga serta sahabat berada dalam keadaan sejahtera.

PROF. MADYA DR. ZALINA SHARI
Timbalan Dekan Akademik dan Hal-ehwal Pelajar & Alumni



PEJABAT TIMBALAN DEKAN (Penyelidikan & Inovasi)





Assalamualaikum warahmatullahi wabarakatuh,

Teriring salam, di hari yang penuh berkah
Selamat Hari Raya Aidilfitri, suka cita terpancar
Di bulan yang mulia, Ramadhan ditinggalkan
Sambutlah Syawal dengan kesyukuran, serta kasih sayang
terpancar

Pada hari yang suci ini, keikhlasan yang ditebar
Bermaaf-maafan, menata hati untuk meraih keberkatan
Bersyukur, nikmat dari Ilahi tercurah
Kesederhanaan, mengiringi kebahagiaan dalam seluruh
langkah kita

Dalam mengekalkan semangat Ramadhan, kita terus beramal
Kebersihan jiwa, terus dijaga seiring menghadapi cubaan
Rahmat Allah, mengalir deras dalam hari yang suci nan mulia ini

Saat ini, mari saling bermaaf-maafan
Hapuskan segala dendam, tutupi segala kesalahan
Beriringlah dalam kasih dan kebersamaan
Di bawah naungan-Nya, kebahagiaan sejati terwujud dalam
hati kita

Mari sambut Syawal dengan penuh gembira
Kebersamaan keluarga, menguatkan lagi hubungan kita
Teruskan beramal, membawa iring semangat Ramadhan
Semoga kita beroleh rahmat-Nya, di dunia dan di akhirat kelak.

Selamat Hari Raya Aidilfitri, Maaf Zahir dan Batin.

PROF. MADYA TS. DR. MOHD YAZID MOHD YUNOS
Timbalan Dekan Penyelidikan & Inovasi

PEJABAT TIMBALAN DEKAN
(Jaringan Industri Masyarakat dan Pembangunan)





A photograph of a man in traditional Malay clothing, consisting of a yellow kurta and a black batik sarong, standing in a dense, green tropical garden. He is wearing a black skullcap and glasses, and has his hands clasped in front of him. The background is filled with various tropical plants and trees.

*Indah Langit Kerana Awan
Indah Lautan Kerana Kebiruan
Indah Ramadhan Kerana Keinsafan
Indah Syawal Kerana Kemaafan*

*Matahari Terbit Di Pagi Hari
Cahaya Indah Menerangi Bumi
Selamat Hari Raya Aidilfitri
Semoga Allah Selalu Memberkati*

*Kian Berlabuh Tirai Ramadhan
Lambaian Syawal Kian Dinanti
Luhur Hati Seikhlas Budi
Semoga Segala Kesalahan Dimaafi*

SELAMAT HARI RAYA AIDILFITRI, MAAF ZAHIR DAN BATIN

PROF. MADYA Ts. DR. HASSAN HJ. ALLI
Timbalan Dekan Jaringan Industri Masyarakat dan
Pembangunan

PEJABAT PENTADBIRAN





Ramadhan adalah bulan Allah,
Yang awalnya adalah rahmat,
Yang tengahnya adalah pengampunan,
Dan yang hujungnya adalah kebebasan dari api neraka
Semoga kita memiliki Ramadhan yang penuh barakah, aamin ya rab..

Kata Al-Ghazali:

*yang jauh itu WAKTU,
yang dekat itu MATI,
yang besar itu NAFSU,
yang berat itu AMANAH,
yang mudah itu BERBUAT DOSA,
yang panjang itu AMAL SOLEH,
yang indah itu SALING MEMAAFKAN.*

*Jika langkah membekas lara,
Jika kata merungkai dusta,
Jika jelingan menjadi bisa,
Jika tingkah menoreh luka.
Jika suara menikam rasa,
Ampun dan maaf dipinta,
Hapuskan dosa tanpa dikira,
Agar sempurna sedia kala,
Tiada prejudis tiada wasangka,*

Mohon Ampun dan maaf di atas segalanya...

Semoga kita termasuk orang-orang yang sentiasa bersyukur dan diterima amalan kita sepanjang bulan Ramadhan yang mulia ini, aamin ya rab.


SALAM AIDILFITRI 1 SYAWAL 1444H

MOGA SILATURRAHIM KITA DIBERKATI ALLAH.

PN. SARAH SALWAH ADNAN
Ketua Pentadbiran

JABATAN SENIBINA LANDSKAP





*Aidilfitri menjelma kembali
Tanda kejayaan Ramadhan Karim
Ampun maaf ikhlas di hati
Semoga berkekalan silaturrahim*

Saya mewakili seuruh warga Jabatan Senibina Landskap mengucapkan selamat menyambut Aidilfitri, Maaf Zahir dan Batin

LAr. Ts. DR. ROZIYA IBRAHIM
Ketua Jabatan
Senibina Landskap

JABATAN SENIBINA





Saya selaku Ketua Jabatan Senibina, mengucapkan selamat Hari Raya Aidilfitri dan Maaf Zahir dan Batin kepada semua warga FRSB dan UPM amnya.

Tahun ini kami akan menjalankan proses akreditasi untuk pengiktirafan Lembaga Arkitek Malaysia untuk program Bachelor Sains Senibina dengan Kepujian dan Master Senibina. Pengiktirafan ini amat penting bagi menjamin keabsahan pengajaran dan pembelajaran di Jabatan ini. Semoga dengan keberkatan bulan dan hari yang mulia nanti, usaha kami diberkati dan direhui llahi.

Semoga semua berbahagia di hari mulia nanti. Selepas Aidilfitri, semoga semua pulang ke Fakulti dengan jiwa yang riang, ikhlas dan bersemangat.

Eid Mubarak.

Sekian terima kasih

PROF. MADYA DR. MOHAMAD FAKRI ZAKY JA'AFAR
Ketua Jabatan
Jabatan Senibina

JABATAN REKABENTUK PERINDUSTRIAN





Saya, ketua jabatan Reka Bentuk Perindustrian yang mewakili warga kerja jabatan mengucapkan Selamat Hari Raya Aidilfitri, Maaf Zahir Batin kepada semua warga FRSB, pensyarah di dalam dan luar negara, staf, pelajar samada UG atau PG dan alumni. Raikan hari kemenangan bulan islam seadanya. Jaga pergerakan dan kesihatan. Bagi yang pulang ke kampung berhati hati di jalanraya semoga sampai ke destinasi yang dituju untuk meraikan hari lebaran bersama keluarga tercinta.

*Dalam kerendahan hati ada ketinggian budi,
Dalam kemiskinan harta ada kekayaan jiwa,
Dalam kelembutan lidah ada juga keterlanjuran kata,
Dalam gurau senda sudah tentu ada khilaf dan dosa,*

Mohon Ampun Zahir Dan Batin – Selamat Hari Raya AidilFitri,
Dari kami Jabatan Reka Bentuk Industri

Ts. DR. MOHD SHAHRIZAL DOLAH
Ketua Jabatan Reka Bentuk Perindustrian

Nostalgia
Ucapan
Hari Raya Aidilfitri




DR. MOHD FABIAN HASNA
JABATAN SENIBINA LANDSKAP

Selamat Hari Raya Maaf Zahir Batin!



SARAH SALWAH ADNAN
PEJABAT PENTADBIRAN

*Indahnya langit kerana awan,
Indahnya laut kerana kebiruan,
Indahnya Ramadhan kerana keinsafan,
Indahnya Syawal kerana kemaafan.
Salam Aidilfitri, Maaf Zahir dan Batin.*



USWAH HASANAH RAZA
UNIT KORPORAT

**Salam Aidilfitri 1444H.
Semoga tak raya last minit!**



MOHD HASRUL HASAN
JABATAN SENIBINA LANDSKAP

**Selamat hari raya Aidilfitri
kepada semua staff FRSB..
maaf zahir dan batin.**



NUR ZULAIKHA MOHD YAACOB
PEJABAT TIMBALAN DEKAN AKADEMIK & HEPA

*Ada mata pandanglah keindahan,
Ada mulut berbudiolah pertuturan,
Ada hati berilah kesayangan,
Ada salah dan silap sudilah memaafkan.*

DR. NORHUZAILIN HUSSAIN
JABATAN SENIBINA LANDSKAP

*Buah cempedak di luar pagar,
Mintak emak tolong jolokkan,
Bulan puasa menguji sabar,
Kini Raya Aidilfitri, mari raikan.*

**Maaf zahir dan batin buat warga JSL
khasnya, dan FRSB.**



NURHASMILAAZRA ABDUL HALIM
PEJABAT TIMBALAN DEKAN JINM & PEMBANGUNAN

*Dengar itu beduk berbunyi,
Tandanya Syawal yang dinanti,
Maafkan segala kekhilafan diri,
Semoga lebih bermakna Aidilfitri.*

TC. MOHD KAMIL BIN ISMAIL
PEJABAT TIMBALAN DEKAN (PENYELIDIKAN & INOVASI)

**Taqabbal lahu minna wa minkum,
Wa ja'alana minal 'aidin wal faizin.**





FADHILAH BINTI AHMAD
JABATAN REKABENTUK PERINDUSTRIAN

*Ramadhan barokah pasti dirindui,
Moga amalan diterima llahi,
Syawal menjelma sama dirai,
Dengan ucapan Salam Aidilfitri.*

MADIHA HAILANI
UNIT KORPORAT FRSB

Salam Aidilfitri
Minal 'Aidin Wal Faizin
Semoga Allah menerima semua
amalan-amalan kita di bulan
ramadhan.



TS. ASMADI SARUN
PEJABAT TIMBALAN DEKAN (JINM DAN
PEMBANGUNAN)

Semoga Allah S.W.T menerima
segala amalan kebaikan kita.
Mohon kemaafaan segala salah &
silap.


Salam Aidil Fitri 1444H.
Asmadi Sarun





HAIRUL HISHAM BIN HASSAN
PEJABAT PENTADBIRAN

SALAM AIDILFITRI MAAF ZAHIR BATIN



Ts DR ROSALAM CHE ME
JABATAN REKA BENTUK PERINDUSTRIAN

**May the positivity of Hari Raya brighten
each and every day of your life with the
newest opportunities to grow.**

Salam Aidilfitri 1444H from our little family.



DR SARAH ABDULKAREEM SALIH
JABATAN SENIBINA

Assalamualaikum Warahmatullahi Wabarakatuh dan
Salam UPM, Malaysia.

*Allahu Akbar, Allahu Akbar, Allahu Akbar Walillah Hil
Hamd. Taqabbalallahu minna wa minkum Saleh Al
Aamal.*

Saya dan keluarga sangat gembira menyambut Hari Raya Aidilfitri kali ini sebagai sebahagian daripada keluarga FRSB UPM yang hebat. Semoga Allah melimpahkan rahmat dan karunia-Nya kepada negara yang diberkati ini "Malaysia" dan semua negara Islam yang lain.

SALAM EIDUL FITRI 1444H/2023.
Mohon Maaf Zahir dan Batin daripada saya & keluarga.
Dr Sarah Abdulakreem Salih

NURAZLIN JAAFAR
PEJABAT TIMBALAN DEKAN (PENYELIDIKAN DAN INOVASI)

*Tiada teman tanpa salah
Tiada sahabat tanpa khilaf
Tiada sabar tanpa syukur
Tanda kasih ku pohon maaf
Selamat menyambut lebaran
MAAF ZAHIR BATIN*



MARINI ABD KADIR
PEJABAT TIMBALAN DEKAN JARINGAN INDUSTRI
MASYARAKAT DAN PEMBANGUNAN

*Buat meriam pasang pelita,
Asap keluar bunyi tak de,
Ucapan raya maaf dipinta,
Harap tak de yang mengguris jiwe.
Selamat Hari Raya*





NUR FITRINA BADARUDIN
PEJABAT PENTADBIRAN

*Disir diandam tebalnya mekup
Pakai baju aneka gaya
Puasa sebulan sudahlah lengkap
Kita menyambut Hari Raya*



JAMALI BIN JANIB
PEJABAT TIMBALAN DEKAN (AKADEMIK DAN HAL EHWAL PELAJAR & ALUMNI)

Raikan syawal bersama keluarga, sahabat handai dan teman-teman tersayang. Doakan berupaya menerus amal ibadah secara istiqomah dan ditambahbaik selepas sebulan berpuasa. Jalinkan kemesraan, panjangkan silaturrahim dan ukhuwah di hari yang mulia ini dengan iman dan taqwa. Selamat bergembira di Aidil Fitri.

Maaf zahir dan batin.



FATIMAH BINTI MUSTAFA
PEJABAT DEKAN

*Yang Jauh itu Waktu,
Yang Dekat itu Mati,
Yang Besar itu Nafsu,
Yang Berat itu Amanah,
Yang Mudah itu Berbuat Dosa,
Yang Panjang itu Amal Soleh,
Yang Indah itu Saling Memaaafkan,
Salam Aidilfitri Maaf Zahir dan Batin*



INTAN NUZRAD AHMAD KHUSHAINI
PEJABAT PENTADBIRAN

*Tangan dihulur, maaf dipinta
Erat perhubungan sesama keluarga
Salam Lebaran diraikan bersama
Semoga bahagia di Hari Raya*

DR. NOR AZLINA ABU BAKAR
JABATAN SENIBINA

*Gema Takbir Memuji Ilahi,
Petanda Bermula Aidilfitri,
Ucapan Dikirim Pengganti Diri,
Bukan Lupa Adat & Tradisi,
Tapi Ikut Perkembangan Teknologi*

**Mohon Ampun Dan Maaf kepada
semua warga FRSB,
SELAMAT HARI RAYA MAAF ZAHIR
BATIN**

Ikhlas dari,
Lin & Family



LAR. NAZRI SAIDON
JABATAN SENIBINA LANDSKAP

Saya mengambil kesempatan ini untuk
memohon ampun dan maaf andai
ada salah dan silap selama ini. Moga
hari raya tahun nie membawa seribu
kegembiraan dan kebaikan kepada kita
semua

..Maaf Zahir dan Batin.



PROF. TS. DR. RAHINAH IBRAHIM
JABATAN SENIBINA

*Merangka rumah, menghias ruang,
Ke sana sini lorekan pena;
Moga meriah, raya nan riang,
Berwarna-warni penuh bermakna.*



AINI JASMIN GHAZALLI
JABATAN SENIBINA LANDSKAP

**Eid Mubarak rakan-rakan semua.
Maafkan semua khilaf saya.
Barakallahu fiikum!**




Ramadhan bakal pergi meninggalkan kita. Namun lambai Syawal pula menanti di sana.

Dengan luhur hati ikhlas kemaafan, semoga silap dan salah mohon di ampuni.

Salam Aidilfitri.

Dari kami:
Ana, Iqa & Ezan





**ASWAMANISA ARSHAD (Wakil MPTL)
JABATAN SENIBINA LANDSKAP**

Selamat Hari Raya Aidilfitri Maaf Zahir Batin dari kami Team MPTL.. =)

Editor:
Prof. Madya LAr. Dr. Suhardi Maulan

**Penasihat Komunikasi
Rekaan Korporat:**
Dr. Sazrinee Zainal Abidin

Penulis / Penyumbang Bahan
Dr. Noranita Mansor

Editor Berita:
Madiha Hailani

Editor Grafik:
Arizy Valentino Ramli
Mohd Ghazali Razak

Fotografi:
Arizy Valentino Ramli
Uswah Hasanah Raza



*Selamat
Hari Raya Aidilfitri
Maaf Zahir Batin
dari Kami*

Abd Aziz Othman (LAr. Ts.)
Adam Aruldewan S. Muthuveeran (LAr. Ts. Dr.)
Adreana Thomas
Ahmad Rizal Abd Rahman (PM Dr.)
Alis Suhaili Abd Ghani
Annisa Ummihusna Abdul Ghani
Arnis Aziz (Ts.)
Asraf Abdul Rahman (LAr.)
Athira Azmi (Ar. Dr.)
Azmiah Abd. Ghafar (Dr.)
Aznida Azlan (Ar.)
Emran @ Zahrin Mohamad Taram (Ts.)
Faziawati Abdul Aziz (Dr.)
Hasmah Mat Isa
Ida Suriana Ismail
Indastri Saion
Khairul Aidil Azlin Abd. Rahman (Prof. CIDe Ts. Dr.)
Khairul Manami Kamarudin (Ts. Dr.)
Marek Kozlowski (Dr.)
Maszura Abdul Ghafar (Ts. Dr.)
Mazliana Mohamed Zin
Meor Mohammad Fared Meor Razali (PM Ar.)
Mior Muhammad Aiman Mior Mohd Shopi
Mohamad Aiman Mohd Daud
Mohamad Fakri Zaky Ja'afar (PM Dr.)
Mohamad Nor Ridzuan A. Rasid
Mohamad Redhuan Ramli
Mohammad Afifi Hamdan

Mohd Azli Mohamad Jamil (Ar. IDr.)
Mohd Azuwan Md Nor
Mohd Johari Mohd Yusof (PM Ts. Gs. Dr.)
Mohd Kamal Khairi
Mohd Khairun Nizam Mohamad Noh
Mohd Kher Hussein (LAr. Dr.)
Mohd Redza Maadun
Mohd Sallehuddin Mat Noor (LAr. Dr.)
Mohd Saufi Mohamad
Mohd Zairul Mohd Noor (PM Ts. Dr.)
Mohd Zaki Md Sudin
Mohd. Fairuz Shahidan (PM Dr.)
Mohd. Faiz Yahaya (Dr.)
Mohd. Shahrudin Abd Manan (Dr.)
Muhammad Asyraf Zahri
Muhammad Loqman Idris
Muhd Hamizan Afiq Halimi
Nazlina Shaari (PM Ts. Dr.)
Nik Fazlysham Nik Mat (Ar.)
Noor Azizi Mohd Ali (Dr.)
Noor Fazamimah Mohd. Ariffin (Dr.)
Noor Munirah Abdul Halim
Nor Atiah Ismail (PM LAr. Dr)
Nor Azlinda Othman
Norasyidah Mohd Noor
Norsidah Ujang (PM Ts. Dr)
Norzaini Mufti @ Ahmad (Ar.)
Nur Dalilah Dahlan (PM Dr.)
Nurin Mansoor
Nurkhalizah Sarip
Nursyida Mansor
Nurul Atikah Ramli
Nurul Jannah Mat Saleh
Osman Mohd Tahir (LAr. Ts. Dr.)
Rafeah Mat Daud
Raihan Maskuriy (Ts.)
Rohaya Ishak
Roslina Sharif (Dr.)
Saiful Hasley Ramli (Ts. Dr.)
Sarizal Yusman Yusoff (Ar.)
Sazrinee Zainal Abidin (Dr.)
Shahrul Azman Shahbudin (Ts.)
Shamsul Abu Bakar (LAr. Dr.)
Shureen Faris Abd Shukor (PM Dr.)
Siow May Ling (Dr.)
Siti Mastura Md. Ishak (Dr.)
Siti Sarah Herman (Dr.)
Sreetheran a/l Maruthaveeran (PM Ts. Dr.)
Sumarni Ismail (PM Dr.)
Velu a/l Perumal (Ts. Dr.)
Wan Mazlan Wan Hamat
Wan Sofiah Wan Ishak (Ar.)
Wan Srihani Wan Mohamed (Dr.)
YM Raja Ahmad Azmeer Raja Ahmad Effendi (PM Ts. Dr.)
Zetty Fazleen Anuar
Zuhaimi Sahat
Zulkifli Md Zain



www.facebook.com/frsbupm



www.youtube.com/frsbupm



www.flickr.com/photo/frsb

PERTANIAN • INOVASI • KEHIDUPAN

BERILMU BERBAKTI
WITH KNOWLEDGE WE SERVE

www.frsb.upm.edu.my

